


# La'o Hamutuk

Instituto Timor-Leste ba Analiza no Monitor Desenvolvimento  
1/1a Rua Mozambique, Farol, (P.O. Box 340) Dili, Timor-Leste  
Tel: +670-3325013 ka +670-7234330  
email: info@laohamutuk.org  
Web: http://www.laohamutuk.org



## **Submisaun ba Komisaun A, Parlamentu Nasional Republika Demokratika Timor-Leste**

### **Husi La'o Hamutuk**

**Kona-ba esbosu lei**

### **Instituto Publiku ba Memoria no Programa Nasional ba Reparasaun**

**6 Julhu 2010**

Durante tinan sanulu tiha ona, La'o Hamutuk servisu hamutuk ho sosiedade sivil, organizaun internasional ba direitus umanus no solidaridade nian, Parlamentu Nasional, governu Timor-Leste no governu rai seluk nian, no ema sira iha mundu tomak atu garante katak vitima husi krime kontra umanidade iha Timor-Leste tenke hetan rekonhesementu, no krime ne'ebe kontra sira la bele repete tan. Ami apresia konvite husi Komisaun A atu fahe hanoin balun ho ita boot sira kona-ba esbosu lei rua ida ne'e, ne'ebe bele ajuda lori Timor-Leste no umanidade ida ne'ebe menus sufremetu, iha duni konsiensia publiku no justisa sosial.

#### **Ami suporta kompenzasaun ba vitima sira nebe'e vulneravel.**

Ba dala uluk liu, ami hakarak atu hato'o ami nia apresiasaun no agradesimentu ida ne'ebe boot tebetes ba esforsu Parlamentu Nasional nian, nudar representante povo, ne'ebe hakarak atu halo lei ida ne'ebe atu fasilita prosesu reparasaun ba vitima Timor-oan sira, durante funu sivil no okupasaun illegal nian durante iha tinan 1974 to'o 1999.

Timor-Leste, enfrenta situasaun ida ne'ebe hamosu vitima barak durante tinan naruk nia laran, no barak husi kondisaun vitima sira ne'e la rekoperavel.

Konflitu rai laran entre Timor-oan no invazaun Indonezia nian ne'e rezulta vitima fizikamente no psikolojikamente ne'ebe enfrenta husi povo Timor tomak. Dala barak vitima hirak ne'e inklui husi ema sira ne'ebe laos kombatente ka ema sivil. Konflitu ida ne'e halo ema barak mak evakua ba ailaran, lakon vida, lakon nia emar sira ne'ebe sira hadomi. Ema rihun ba rihun mak hetan intimidasaun, tortura, dadur, muda obrigatoriumente ba fatin seluk, besik ema hotu lakon oportunidade ba vida politika, edukasaun, ekonomia, dezentvolvimentu no seluk tan.

Tamba ne'e, ami suporta ba vontade no esforsu estadu nian, atu halo kompenzasaun ba vitima sira ne'ebe vulneravel liu, barak husi sira laiha kapasidade atu rekopera sira nia moris rasik. Ami konsidera katak vitima vulneravel sira ne'e, iha direitu ne'ebe merese duni atu hetan suporta finansial no tratamentu spesial ruma. Kompensasaun ida ne'e nudar dalan asistensia estadu nian atu promove umanidade no moris nia emar nian, no pasu dahuluk atu hetan ba justisa no lialos.

Estabelesimentu lei ida ne'e, nudar dalan ida ne'ebe sei fasilita vitima, familia vitima sira atu bele hetan memorializasaun ba sira nia kontribuisan no sira nia terus ne'ebe boot ba Timor-Leste, inklui sira nia istoria luta ba independensia Timor-Leste nian iha futuru, no mos lei ne'e bele hafasil hodi fasilita atu hetan fila fali ema sira ne'ebe lakon ka "desaparesidu" durante tempo okupasaun nian.

Husi oportunidade ida ne'e mos, ami hakarak rekomena ba Estadu atu iha mos justisa sosial ba ema hotu ne'ebe moris iha Timor-Leste, ne'ebe ohin loron prezisa duni asistensia sosial atu mos bele rekopera sira nia moris sosial ida ne'ebe vulneravel liu ba iha moris ida ne'ebe diak, inklui sidadaun sira ne'ebe formalmente la kategoriza no identifika hanesan vitima husi violasaun direitus umanus nian ne'ebe mensiona husi esbosu lei ida ne'e. Tamba povo tomak iha rai ida ne'e, enfrenta impaktu no konsekuensia husi invazaun no funu.

## **Rekomendasaun hotu CAVR nian importante.**

Relatorio *Chega!* maka kulminasaun servisu tinan barak nian husi ema atus ba atus nian no ho hanoin sira ne'ebe diak tama ba iha nia rekomendasaun sira. Maske Komisaun Verdade no Amizade la dun iha independensia, tempu ne'ebe la to'o, rekursu umanu ne'ebe menus liu, ninia relatoriu mos resulta husi hanoin ne'ebe kle'an no negosiasaun. Ami fiar katak importante atu implementa hotu rekomendasaun CAVR nian, la'os de'it ba rekomendasaun sira ne'ebe iha relasaun ho reparasaun, edukasaun publiku, memoria no ema sira ne'ebe lakon.

Partikularmente ami preokupa katak labele haluha rekomendasaun sira ne'ebe direitamente ba institusaun sira ne'ebe laos iha Timor-Leste. Rekomendasaun sira ne'e inklui:

- Rekomendasaun 1.1-1.15 ba komunidadade internasional
- Rekomendasaun 2.1-2.6 ba Portugal
- Rekomendasaun 7.1.1-7.1.2 relasiona ho krime sira iha pasadu<sup>1</sup>

<sup>1</sup> CAVR hakerek klaru kona-ba asuntu ida ne'e iha sira-nia introdusaun ba Rekomendasaun 7:

"Komisi mengakui berbagai kesulitan yang dihadapi oleh masyarakat internasional dan beberapa Pemerintah yang terlibat dalam upaya mencari penyelesaian bagi masalah kejahatan berat tahun 1999. Komisi mencatat bahwa, dalam proses ini, masyarakat internasional memberikan sedikit perhatian atau tidak sama sekali, terhadap masalah keadilan untuk kejahatan berat yang dilakukan di Timor-Leste selama 23 tahun sebelum terjadinya kekerasan tahun 1999. Sekarang Komisi telah melaporkan tentang kebenaran terjadinya pelanggaran-pelanggaran tersebut, dan adalah bagian dari mandatnya untuk menarik kesimpulan yang layak berdasarkan prinsip-prinsip hukum internasional dan tidak berdasarkan atas pertimbangan politik. Temuan Komisi menunjukkan bahwa belum ada langkah-langkah keadilan yang layak atas kejahatan terhadap kemanusiaan yang dilakukan di Timor-Leste selama jangka waktu 25 tahun yang dicakup oleh mandat Komisi. Berdasarkan mandat Komisi, yang berlandaskan penghargaan terhadap hukum internasional, Komisi menyimpulkan bahwa keadilan untuk kejahatan di masa lalu harus mencakup pelanggaran-pelanggaran yang dilakukan selama jangka waktu 25 tahun dari mandat tersebut.

"Warisan dari kurangnya keadilan selama bertahun-tahun pelanggaran hak asasi manusia ini bermacam-macam. Akibatnya bagi Timor-Leste dan Indonesia, adalah bahwa impunitas telah menjadi praktik yang mengakar. Mereka yang merencanakan, memerintahkan, melakukan dan bertanggungjawab atas pelanggaran hak asasi manusia yang paling berat pun belum diminta pertanggungjawabannya, dan banyak di antara mereka yang karir militer dan sipilnya malah berkembang oleh karena aktifitas-aktifitas mereka. Dalam konteks seperti ini, penghormatan terhadap kedaulatan hukum dan institusi-institusi negara yang bertanggungjawab atas pemerintahan, yang merupakan tonggak-tonggak fundamental dalam transisi demokratik di Indonesia dan pembangunan kebangsaan di Timor-Leste, akan senantiasa lemah.

"Konflik di Timor-Leste bersifat internal selama konfrontasi pada bulan Agustus-September 1975, saat Timor masih merupakan wilayah yang berpemerintahan sendiri di bawah pemerintahan Portugis. Dengan masuknya Indonesia ke dalam wilayah Timor-Leste, sejak Oktober 1975, konflik merebak menjadi konflik internasional. Lepas dari jenis konflik itu sendiri, kejahatan yang dilakukan selama masa panjang ini telah mencapai tingkat yang begitu ekstrim sehingga sudah merupakan tanggungjawab masyarakat internasional.

"Selain jenis kejahatan yang terjadi, kondisi di mana kejahatan tersebut terjadi melibatkan tanggungjawab masyarakat internasional. Komisi diyakinkan bahwa Negara Timor-Leste yang masih baru dan masih rentan keberadaannya, tidak dapat diharapkan sendiri menanggung beban berat dari tugas mengejar keadilan. Juga merupakan suatu keprihatinan bahwa Negara Indonesia belum pernah menunjukkan iktikad baik dalam membawa para pelaku ke hadapan proses pertanggungjawaban, bukan saja untuk kejahatan yang dilakukan pada tahun 1999, tapi untuk kejahatan apapun yang dilakukan selama masa pendudukan. Karena itu, Komisi berpendapat bahwa suatu pendekatan definitif untuk mencapai keadilan atas kejahatan yang dilakukan di Timor-Leste harus bertumpu

- Rekomendasaun 7.2.1 katak ONU prepara atu hari'i tribunal internasional ida.
- Rekomendasaun 10.1-10.17 ba Indonesia.

Maske rekomendasaun importante CAVR nian sira seluk bele implementa iha Timor-Leste, sira ne'e hasai tiha ona husi mandatu no poder instituisaun foun nian. particularmente, ami fo atensaun ba:

- Rekomendasaun 5.1.1-5.1.16 ba sosiedade sivil
- Rekomendasaun 5.61-5.6.4 ba Igreja
- Rekomendasaun sira 6.1.1-6.4.4 kona-ba Polisia no Militar.

### **Lei rua ne'e la lori ita atu hapara impunidade.**

La'ó Hamutuk rekonhese importansia husi fo asistensia material no memorializasaun ba vitima Timor-oan sira husi violensia ne'ebe mai husi invasaun no okupasaun Indonesia nian, liu-liu, ba sira ne'ebe vulneravel liu. Maibe, ami nia preokupasaun katak, lejislasaun no instituisaun sira ne'ebe sei responde ba nesiedade kritiku ida ne'e, atu labele sai hanesan obstaklu ba objektivu boot atu atinje justisa sosial no mos lei no ordem. Fo asistensia ba ema oituan la bele impede progressu husi ita nia sosiedade tomak.

Kultura impunidade prevaleze hela dadaun iha Timor-Leste, partikularmente ba krime sira ne'ebe komete hanesan parte husi okupasaun ilegal Indonesia nian durante tinan 24. Karik autor sira ne'ebe komete ba krime kontra umanidade iha pasadu kontinua atu hases-an husi akuntabilidade, sira ne'ebe hanoin hela atu komete krime iha loron ohin mos ekspeta buat ne'ebe hanesan. Karik lei no ordem aplika ba ema balun deit, no ema sira ne'ebe iha poder boot sira sei la obedese ba lei ne'e. No karik vitima sira iha futuru labele depende ba seguransa no orgaun judisiariu sira atu haforsa lei laho'o ta'uk no favor, sira sei foti "justisa" ho sira nia liman rasik.

Realidade politika ohin loron nian – iha korajem no visaun ba oin ne'ebe la too, entre ema Indonezia, Timor-oan no lider internasional balun – halo ida ne'e katak imposivel atu hakotu impunidade iha tinan 2010. Maibe lala'ok mundu ida ne'e naruk, no justisa sei hetan nia fatin. Ami espera katak instituisaun ida ne'e sei la'ó hamutuk ho lala'ok ida ne'e, duke impede ninia progresu.

Komunidade mundial, inklui estadu Timor-Leste, rekonhese katak iha responsabilidade internasional nian atu asegura justisa ba krime kontra umanidade, wainhira komunidade mundial sira kria Tribunal Kriminal Internasional iha 2002. Maibe, implementasaun legal husi konsensus ida ne'e tarde liu hodi aplika ba krime sira ne'ebe akontese entre 1975 no 1999, maibe prinsipiu moral no politika ne'ebe sai hanesan baze fundamental ba Tribunal Kriminal Internasional ida ne'e, mos aplikavel ba iha situasaun hanesan ne'e. Instituisaun foun ida ne'e tenki avansa ho prinsipiu hirak ne'e, no la'os atu harahun sira.

Barak husi krime sira ne'e – no vitima sira – hatama hela iha esbosu lei hirak ne'e, ne'ebe halo nudar parte ida husi invasaun no okupasaun ilegal estrangeiru, ne'ebe kondena bebeik husi Konsellu Seguransa no Assembleia Jeral ONU nian. Ami fiar katak "reparasaun" labele atinzi wainhira laho'o rekonhesimentu ba faktus ida ne'e, no la fo naran ba autor prinsipal sira – estadu Indonezia no ema individual sira ne'ebe halo tuir Indonesia nia ordem. Maske, ohin loron vitima sira nia terus no susar

---

pada komitmen masyarakat internasional, terutama PBB. Mereka harus memberikan dukungan tak bersyarat pada lembaga-lembaga keadilan yang kuat, yang dapat bertindak secara independen terhadap situasi politik di dalam dan di luar Timor-Leste.

"Komisi sadar bahwa rumusan apapun bagi penyelesaian impunitas dalam kejahatan yang dilakukan dalam 24 tahun konflik dan pendudukan akan merupakan rumusan yang rumit dan sulit dicapai. Tetapi, setidaknya beberapa elemen harus diidentifikasi. Rumusan apapun yang mencari keadilan untuk para korban harus didasarkan pada penghormatan terhadap hukum internasional dan pada jaminan akan proses yang benar. Pada sisi yang sama, rumusan apapun bagi keadilan memerlukan dukungan praktis bukan saja dari PBB melainkan juga dari tiap-tiap negara-negara, yang siap untuk membantu proses keadilan dalam berbagai cara. Pada akhirnya, tanggapan apapun terhadap impunitas harus tertantang bagaimana caranya memastikan bahwa pelaku utama pun bertanggungjawab, lepas dari perlindungan yang mereka nikmati saat ini."

nian bele halo kama'an, liu husi estadu Timor-Leste, reparasaun lolos – nudar prosesu sinseru ida atu hatan ba estragus – no tenki involve sira ne'ebe komete krime sira ne'e. Laho'o ne'e, vitima sira nia kanek sei aumenta tan no krime sira ne'be hanesan iha Timor-Leste sei kontinua nafatin iha Papua Oeste no iha mundu tomak.

KVA rekonhese “responsabilidade instituisaun nian,” maibe failha atu rekonhese katak instituisaun sira ne'e kompostu husi ema individual sira. Ema sira ne'ebe fo ordem ilegal, hanesan mos ba sira ne'ebe rekonhese hela katak halo tuir ordem sira ne'e, tenki hetan akuntabilidade ba sira nia asaun sira ne'e. Ami la sujere atu julga hotu offisiais militar no sivil Indonesia nian ne'ebe rihun ba rihun komete krime ida ne'ebe lori oho povo Timor liu rihun atus ida, maibe, karik estado direitu ne'e atu regula no aplika ba iha Timor-Leste no Indonesia, minimu, “ikan boot” sira tenki lori hodi ba hatan.

Misaun husi Institutu Memoria ida ne'e mak atu “promove, fasilita no halo monitorizasaun ba implementasaun rekomendasaun husi CAVR no KVA sira” ho hanoin atu “promove kompreensaun ida ne'ebe diak liu ba natureza, kauza no impaktu husi violasaun direitus umanus nian, hanesan mos atu promove kultura ida ba responsabilidade ka akuntabilidade, reparasaun ne'ebe justu no respeita ba estado direitu...atu promove respeito ba direitus umanus no atu prevene violensia sira ne'e, bele mosu hikas fali.”

### **Labele subar ka oho lia-los.**

Maske fo kompensasaun no rekonheseментu ba vitima vulneravel sira iha mandatu ninian, esbosu funsaun husi Institutu Memoria nian la inklui mekanismu no prosesu sira ne'ebe essencial duni, ne'ebe rekomenda husi CAVR no KVA atu atinzi objektivu ida ne'e. Ami fiar katak ida ne'e labele atinzi samente husi estadu Timor-Leste deit, maibe sei prezisa koperasaun husi komunidadade internasional nian, no ba dala uluk ba Indonezia. Karik Institutu Memoria la hetan poder atu haforsa no suporta komunidadade mundial nian, hodi hala'o sira nia responsabilidade, tenki iha mekanismu seluk atu halao servisu ida ne'e. Karik laiha, impunidade sei buras tan no akuntabilidade sei hakoi hotu iha kuak memoria nian –ne'e triste boot ida, resultadu ironiku ida husi instituisaun rua, ne'ebe hahu'u ho naran “Lia-los” implementa husi seluk ho naran “memoria.”

Ami preokupa katak artigu 33 no 34 husi esbosu lei IM (Konfidensialidade) sei impede funsaun edukasaun publiku husi instituisaun ida ne'e. Hodi ameasa prizaun ba tempu naruk ba ema ne'ebe fo sai informasaun kona ba “parte terseiru” – hanesan Suharto, Kissinger ka Wiranto – laho'o sira nia autorizasaun, lei ne'e halo susar liu tan ba publiku atu hatene lia-los, ne'ebe nudar objetivu prinsipal ida husi instituisaun ida ne'e nian. Ida ne'e mos bele sai nudar obstaklu ba kooperasaun ho prosesu judisiariu Timor oan nian ka prosesu judisiariu internasional nian.

Maske ami rekonhese katak instituisaun no individual balun fo informasaun ka testimonia ba CAVR no KVA ho konhesementu ba konfidensialidade, ami la hanoin katak fiar automatika ida atu halo segredu, hanesan dalan ida ne'ebe apropriadu atu mantein promesa ida ne'e. Lei ida ne'e bele inklui sistema klasifikasaun informasaun nian ida, iha hanoin katak buat hotu-hotu tenke publikamente ba publiku, so deit iha asuntu spesifiku ruma, ho razaun forte atu mantein ninia konfidensialidade.

Maski artigu 35 no 36 hateten katak instituisaun sira seluk tenki kolabora ho IM, lei hateten buat oituan, iha artigu 5.2, kona ba kolaborasaun IM nian ho instituisaun Timor oan no internasional sira seluk. Ida ne'e tenke hatan.

### **Se mak atu responsabiliza atu hadi'ak estragus?**

Hanesan submisaun sira seluk ba Komisaun A esplika kompleta liu, iha differensia entre “reparasaun” no “kompensasaun” iha lingua Inglesh, maske iha konfusaun iha konseitu sira ne'e iha lian Portuguese “reparação.” Abut husi “reparasaun” mak atu hadi'a situasaun – la'os deit atu halo kama'an sofremetu material vitima sira nian, maibe ho possibilidade boot liu, atu restora situasaun nian ba molok krime komete ba. Ida ne'e samente possivel ho involvemu autor sira, bele ho rekonhesimentu responsabilidade (voluntariamente ou liu husi prosesu judicial ida) ka liu husi fo fundus ba “reparasaun.”

Liu husi esbosu lei sira ne'e, RDTL foti responsabilidade atu apoio ninia sidadaun sira ne'ebe hetan sofremetu durante okupasaun. Ida ne'e di'ak liu duke laiha ema ida mak foti kna'ar ida ne'e. Maibe, ita labele haluha katak entre loron 17 July 1976 too loron 4 Setembro 1999, lei Republika Indonesia nian hateten katak virtualmente povo tomak iha "Timor-Timur" hanesan sidadaun Republika Indonesian nian. To'o ohin loron, Indonesia (hanesan governu, la'os hanesan autor) falha ona atu hala'o sira nia responsabilidade, maibe, ne'e la signifika katak Timor-Leste tenke automatikamente foti Indonesia nia responsabilidade atu fo asistencia ba vitima sira husi periodu ida ne'e, ne'ebe sofre barak liu husi krime ne'ebe tamba okupasaun. Minimu liu, Timor-Leste no governu husi nasaun sira seluk tenke kontinua atu fo hanoin ba Indonesia katak nia seidauk hala'o ninia obrigasaun.

Komunidade internasional, nudar Sekretariu Jeral ONU nian, Kofi Annan<sup>2</sup> no Conselho Seguransa<sup>3</sup> nian rekonhese ona responsabilidade internasional nian atu suporta reparasaun ho "Fundu Solidaridade." CAVR rekomenda ona ida ne'e iha 12.10,<sup>4</sup> ne'ebe mensiona sai estadu no emprezariu Indonesia, hanesan mos ba estadu no kompania sira seluk ne'ebe suporta ka hetan benefisiu husi okupasuan ilegal.

Ami sujere katak artigu 43 kona ba "rendimentu" iha esbosu lei organiku IM nian atu amenda, refere spesifikamente ba "Fundu Solidaridade" ONU nian, no atu hatudu responsabilidade ba Indonesia no estadu seluk atu kontribui ba hakma'an sofrimentu husi vitima vulneravel sira iha Timor-Leste.

## **Strutura Institutu Publiku ba Memoria tenke klaru.**

Bazeia ba esbosu Lei Institutu Publiku ba Memoria ida ne'e nudar *Institutu Pùblico*, ami hanoin prezisa atu iha mudansa balun tan atu hadiak no haforsa liu tan instituisaun ida ne'e hodi halao nia kna'ar.

---

<sup>2</sup> Report of the Secretary-General on Timor-Leste pursuant to Security Council resolution 1690 (2006) (S/2006/628): "In my separate report on justice and reconciliation for Timor-Leste (S/2006/580), I recommend the establishment of a United Nations solidarity fund to collect voluntary contributions from Member States for the purpose of funding a "community restoration programme" and a "justice programme" in Timor-Leste. The community restoration programme would be specifically devoted to supporting efforts to provide for victims of serious crimes committed in 1999 and their immediate relatives through collective and individual restorative measures, as well as through reconciliatory measures. ..."

<sup>3</sup> UN Security Council resolution 1704 (2006): that the Security Council "... welcomes the proposal of the Secretary-General to create a programme of international assistance to Timor-Leste, consisting of a community restoration programme and a justice programme, including establishment of a solidarity fund by the United Nations to accept voluntary contributions from Member States for the purpose of funding those programmes;"

<sup>4</sup> CAVR Rekomendasau 12.10: "Negara Indonesia patut menanggung proporsi yang cukup besar dari biaya. Sebagai kekuasaan pendudukan yang melakukan sebagian besar pelanggaran, Indonesia mempunyai tanggung jawab moral dan hukum yang terbesar untuk memperbaiki kerugian yang yang disebabkan oleh kebijakannya dan para agennya di Timor-Leste.

"Negara-negara anggota masyarakat internasional, dan perusahaan-perusahaan bisnis yang mendukung pendudukan ilegal atas Timor-Leste dan dengan demikian secara tidak langsung memperkenankan dilakukannya pelanggaran-pelanggaran, diwajibkan memberikan reparasi kepada para korban berdasarkan pada prinsip tanggungjawab internasional yang diakui dalam hukum kebiasaan internasional tentang kerugian (customary law of torts). Kontribusi dapat juga diberikan oleh agen-agen internasional dan LSM, berdasarkan pada prinsip keadilan sosial.

"Timor-Leste diwajibkan oleh Konstitusinya untuk "menjamin adanya perlindungan istimewa bagi orang yang menjadi cacat akibat perang, anak yatim/piatu, dan orang tanggungan lain dari mereka yang mengabdikan nyawanya kepada perjuangan kemerdekaan dan kedaulatan negara, dan akan melindungi setiap orang yang mengambil bagian dalam perlawanan menentang pendudukan asing" [Pasal 11, Konstitusi RDTL]. Dalam semangat rekonsiliasi, Komisi merekomendasikan agar upaya memelihara para anggota gerakan Perlawanan ini diperluas untuk mencakup juga para korban pelanggaran hak asasi manusia yang dilakukan oleh semua pihak.

"Jika Indonesia terlalu lambat menanggapi, Timor-Leste dan masyarakat internasional patut memberikan kontribusi mereka sementara menekan Indonesia untuk memenuhi kewajibannya. Banyak korban yang tidak sanggup menunggu lagi."

Maske iha difikuldade ba Parlamentu Nasional atu halo mudansa ida ne'ebe maka'as no boot tuir ami nia hanoin, maibe diak mos ba nai-ulun sira atu bele konsidera buat balun husi lei ida ne'e ne'ebe presiza atu hadiak, molok atu hetan aprovasaun no vigora.

Iha Artigu 2.2, hateten katak institutu ida ne'e sei tutela husi Ministeriu Solidaridade Sosial, ami hanoin atu iha mos esplikaun ida ne'ebe spesifiku ba asuntu ida ne'e, entermus nia ligasaun husi Ministeriu ba iha Istitutu no nia finansiamentu husi Orsamentu Estadu. Ami mos preokupa katak funsaun Institutu Memoria nian iha relasaun ba iha edukasaun, relasaun estranjeiru nian, justisa no seitor sira seluk ne'ebe la'os iha mandatu Ministeriu Solidaridade Sosial nia okos, no ami espera katak labele haluha ne'e.

Strutura instituisaun nian, ne'ebe mensiona iha esbosu lei ne'e, depende maka'as ba iha intervensaun husi Ministeriu ne'ebe tutela ba. Hanesan iha Artigu 6.1 no 6.2, ba ezemplu, sei hamosu intervensaun politika ida ne'ebe maka'as. Ami suzere atu kompetensia balun iha ne'e, hanesan asuntu sira ne'ebe iha relasaun ho alokasaun orsamentu no finansa nian bele sai kna'ar husi Parlamentu Nasional nian, atu hafasil mos servisu Parlamentu nian hodi halo fiskalizaun.

Hanesan mos husi Artigu 9.2, Artigu 11, Artigu 13(e) no Artigu 14.1, dala barak fo fatin ba iha intervensaun politika Ministeriu nian. Ami hanoin ho modelu strutura no fo kompetensia ida ne'ebe luan liu no ekluzivu ba iha Ministeriu ne'ebe tutela ba, sei halo instituisaun publiku ida ne'e hanesan fali departamentu ida iha Ministeriu nia okos. Automatikamente servisu no kna'ar husi Instituisaun ida ne'e, tenke obedese no regula direktamente husi desizaun politika Ministeriu nian rasik.

Ami hakarak bolu ita boot sira, exelensia sira nia atensaun ba iha Institutu Publiku seluk, Autoridade Nasional Petroleu (ANP). Instituisaun ida ne'e nia strutura no nia finansiamentu tinan-tinan nian ne'e, la integra iha Orsamentu Jeral Estadu ne'ebe Parlamentu Nasional aprova. Institutu publiku ba memoria ida ne'e, labele sai hanesan ne'e duni, tamba sei la fo fatin ba Parlamentu Nasional atu halo nia fiskalizaun, sei laiha transparansia ba iha reseitas ne'ebe nia hetan no nia gastus orsamental nian mos.

Tamba ne'e, ami suzere atu orsamentu husi institutu ida ne'e, tenke integra ho Orsamentu Jeral Estadu nian no poder Ministru nian atu kontrola instituisaun ida ne'e tenke iha limitasaun, ho hanoin katak hodi hamenus oportunidade ba abuzu de poder ka interferensia politika.

Obrigadu barak ba ita boot sira nia atensaun, no ami prontu atu responde pergunta ruma husi ita boot sira.